

BOSNA I HERCEGOVINA
FEDERACIJA BOSNE I HERCEGOVINE
Kanton Sarajevo
Grad Sarajevo
OPĆINA CENTAR SARAJEVO
OPĆINSKI NAČELNIK

Broj: 02-11-6881/20-2

Datum: 7.12.2020. godine

Na osnovu člana 69. Statuta Općine Centar Sarajevo – prečišćeni tekst ("Službene novine Kantona Sarajevo", br. 23/04), člana 70. stav 1. Zakona o javnim nabavkama BiH ("Službeni glasnik BiH", br. 39/14) u daljem tekstu: Zakon, na prijedlog Komisije za nabavku roba, vršenje usluga i izvođenje radova II, u daljem tekstu: Komisija, imenovana Rješenjem Općinskog načelnika broj: 10-45-1132/20 od 01.10.2020. godine, Općinski načelnik d o n o s i:

O D L U K U

- I.** Ponuda „ITR“ d.o.o. Sarajevo, Vinka Šamarlića br.6, Ilidža, broj ponude: 255/20 od 27.11.2020. godine, za javnu nabavku jednokratnih zaštitnih maski i dezinfekcionih sredstava za potrebe Općine Centar Sarajevo, u cilju sprečavanja širenja opasnosti od Corona virusa LOT 2 – nabavka dezinfekcionih sredstava, prihvata se za dodjelu ugovora.
- II.** Ponuđači će o prihvaćanju ponude iz stava I ove odluke, biti obaviješteni najkasnije u roku od sedam dana od dana donošenja Odluke.
- III.** Obavezuje se ponuđač iz stava I dispozitiva, da u roku od pet dana od dana prijema ove odluke, neposredno na protokol ovog organa, dostavi dokumente kojima se dokazuje ispunjavanje uslova iz tačke 7. tenderske dokumentacije (uslovi za kvalifikaciju ponuđača), u originalu ili ovjerenoj kopiji, ukoliko navedeno nisu dostavili u ponudi.
- IV.** Ova odluka će biti objavljena na internet stranici Općine Centar Sarajevo istovremeno sa dostavljanjem svim ponuđačima.

O b r a z l o ž e n j e

Otvoreni postupak javne nabavke jednokratnih zaštitnih maski i dezinfekcionih sredstava za potrebe Općine Centar Sarajevo, u cilju sprečavanja širenja opasnosti od Corona virusa, pokrenut je odlukom Općinskog načelnika broj: 02-11-6881/20 od 13.11.2020. godine.

Shodno Zakonu, objavljeno je obavještenje o nabavci putem otvorenog postupka, na internet portalu E-nabavke broj obavještenja: 848-1-1-225-3-185/20 od 13.11.2020. godine.

Do predviđenog roka za dostavljanje ponuda, na adresu ugovornog organa, pristigla je 1 (jedna) ponuda ponuđača: „ITR“ d.o.o. Sarajevo.

U skladu sa članom 63. Zakona o javnim nabavkama (u daljem tekstu: Zakon), Komisija je u zakazano vrijeme pristupila javnom otvaranju pristiglih ponuda i nakon što je utvrđena urednost dostave, pročitane su ponude za oba potkriterija ekonomski najpovoljnije ponude, kako slijedi:

r/b kov.	Ponuđač	POTKRITERIJ 1 Ukupna cijena ponude u KM sa PDV-om i popustom	POTKRITERIJ 2 Rok isporuke
421	„ITR“ d.o.o. Sarajevo	1.876,49	1 dan

Na zatvorenom sastanku održanom dana 30.11.2020.godine, Komisija je izvršila pregled dokumentacije priložene uz ponudu u smislu provjere njene potpunosti i ispravnosti u skladu sa zahtjevima iz tenderske dokumentacije. Izvršena je evaluacija ponude u skladu sa pravilima propisanim Zakonom i podzakonskim aktima kao i procedurama utvrđenim u samoj tenderskoj dokumentaciji za ovaj predmet javne nabavke.

Tom prilikom je konstatovano da je ponuda sačinjena potpuno u skladu sa zahtjevima iz tenderske dokumentacije, Uputstvom za pripremu modela tenderske dokumentacije i ponuda.

Komisija je izvršila računsku kontrolu dostavljene ponude i pri tome je utvrđeno da je ista računski ispravna.

U nastavku rada Komisija je izvršila bodovanje u skladu sa predviđenim brojem bodova za svaki potkriterij ekonomski najpovoljnije ponude kako slijedi:

Ponudač	Potkriterij	
	Cijena 95%	Rok isporuke 5%
„ITR“ d.o.o. Sarajevo	1.876,49 KM sa PDV-om = 95 bodova	1 dan = 5 bodova

Nakon bodovanja po osnovu oba potkriterija ekonomski najpovoljnije ponude, izvršeno je rangiranje ponude:

r/b	Ponudač	Broj bodova	Rang
1.	„ITR“ d.o.o. Sarajevo	100	1

Komisija je u daljem radu donijela jednoglasnu odluku da se Općinskom načelniku preporuči da donese odluku o prihvatanju ponude „ITR“ d.o.o. Sarajevo, sa ukupnom cijenom ponude u iznosu od 1.876,49 KM sa PDV-om i rokom isporuke od 1 (jedan) dan, kao najpovoljnije za dodjelu ugovora za nabavku jednokratnih zaštitnih maski i dezinfekcionih sredstava za potrebe Općine Centar Sarajevo, u cilju sprečavanja širenja opasnosti od Corona virusa LOT 2 – nabavka dezinfekcionih sredstava.

Općinski načelnik je prihvatio Izvještaj i preporuku Komisije za nabavke, o čemu je donio ovu Odluku, shodno članu 70. stav 1. Zakona.

Pouka o pravnom lijeku:

Protiv ove Odluke može se izjaviti žalba ugovornom organu Općini Centar Sarajevo, u roku od 10 (deset) dana od dana prijema iste.

Žalba se izjavljuje ugovornom organu u skladu s članom 99. Zakona.

Žalitelj je dužan uplatiti naknadu za pokretanje žalbenog postupka u skladu sa članom 108. stav 1. Zakona.

DOSTAVITI:

1. Službi za javne nabavke, zajedničke poslove i informatiku
2. Ponuđačima:
 - „ITR“ d.o.o. Sarajevo
3. Arhivu

